

考 职 供 状

供状人楚光绅，年三十四岁，系湖广都司长沙千户所已身故世袭副千户楚上文同堂亲侄，原籍直隶凤阳府颍州颍上县人。

一世祖楚成先充安阳总管，元至正二十四年甲辰赴京听调，至正二十五年乙巳除鹰阳卫世袭百户职事到任。明洪武元年戊申八月授流官奉勅命一道昭信校尉，十月二十一日调征陕西华州帖木儿对敌阵亡。

二世祖楚端系嫡长男，蒙卫所保送赴部，洪武十二年己未二月二十五日，钦准袭授襄阳卫所世袭百户职事到任。于本年六月十五日授世袭勅命承信校尉。洪武十八年乙丑九月调征古州，十月十五日征湖耳寨，擒杀贼人杨家孙等五名。洪武十九年丙寅正月十五日回哨新花亮寨，擒获长官龙道贤等五名。洪武二十九年丙子正月征大藤峡罗渌洞，擒获斩首级一颗解回大营。本年八月奉贯字三千八百九十六号勘合为年深官员事，十二月二十五日，蒙部奏奉钦准升除长沙卫前千户所世袭副千户职事到任管事，于建文三年辛己三月二十三日身故。

三世祖楚善系嫡长男，告蒙卫所保送赴部，永乐元年癸未十一月十七日，蒙部奏奉钦准袭授本卫所世袭副千户职事到任。永乐二年甲申例该比试，蒙卫所保送赴部，六月十二日同河南都司归德卫所百户郑汪比中双收回卫。永乐八年庚寅三月，于夹河僭运粮储五日至鱼儿海口遇胡人对敌阵亡。

三世祖父楚贵系亲弟，告蒙卫所保送赴部，永乐十年壬辰九月二十八日，蒙部奏奉钦准袭授本卫所世袭副千户职事到任。宣德元年丙午例该比试，蒙所保送赴部。宣德二年丁未七月十二日同河南归德卫陈礼比中双收回卫。宣德五年庚戌六月残疾而身故。

五世祖晟系嫡长男，告蒙卫所保送赴部，正统二年丁巳八月十八日蒙部奏奉钦准袭授本卫所世袭副千户职事到任。正统八年癸亥例该比试，蒙卫所保送赴部，十一月初二日同河南南阳中护卫百户蒋忠比中双收回卫。至景泰二年辛未奏委获贼邓二解官，于本年十月二十八日船至本府地西湖桥，遇风破船溺水身故，当蒙委官打捞相葬。

高祖伯楚玉系嫡长男，告蒙卫所保送赴部，景泰七年丙子九月二十一日，蒙部奏奉钦准袭授本卫所世袭副千户职事到任。成化元年乙酉奉调荔蒲油麻山脚村过河溺水身故，当

蒙委官打捞相葬。

高祖父楚瓊系亲弟，告蒙卫所保送赴部，成化八年壬辰九月二十五日同贵州都司卫左所镇抚杨锐比中双收。本年度十一月二十六日，蒙部引奏钦准袭授本卫所世袭副千户职到任。宏治元年戊申七月内老疾身故。

曾祖楚宝系嫡长男，告蒙卫所保送赴部，宏治十六年癸亥九月二十日蒙部奏奉钦准袭授本卫所世袭副千户职事，本年十月二十二日同大仓州吴松江守卫千户所百户王蛮比中双收回卫到任。正德十三年戊寅十月内老疾身故。

祖伯楚世章系嫡长男，官蒙卫所保送赴部，嘉靖十七年戊戌八月十五日同武昌卫左所署百户李爵比中双收，本月二十九日蒙部奏奉钦准袭授本卫所世袭副千户职事到任支俸管事。嘉靖三十六年丁巳十一月三十日身故。

长伯楚上表系嫡长男，先于嘉靖二十五年丙午六月十一日身故无嗣，次伯楚上文系亲弟亦系楚世章嫡次男，告蒙卫所保送赴部，隆庆三年己巳八月十六日同福建都司汀州卫所指挥僉事刘僎比中双收。本月二十四日蒙部奏奉钦准袭授本卫所世袭副千户职事，劄发回卫到任支俸管事。万历三十九年辛亥九月十五日老故无嗣，鸣卫委官任国光柏埋。

以上所供是实，崇祯四年辛未六月某日，供状人楚光绅，于崇祯五年壬申四月十六日同陕西都司宁夏卫署指挥僉事张凤鸣比中双收。

此勅与供状原系白绫墨写计部

印十九颗，属光绅房元吉所收，珍重不轻与人一见。后访彼在长沙县桥口田心坪刘家垅等所居地方竟至彼处，问刘家据称渠已漂流不知所在，故此遗失等语。予幸得当年苍水于彼处用计讨看抄录草本，十三世孙邦龙记。

再五世祖瓊将灵官祠鸡公坡一带基地捐入善化建立圣官，明成化十六年庚子盛宪迁学城南县西，是年瓊又捐入。清乾隆四年己未九月二十一日。善邑庠生具呈在案及并。

四修谱局书

二十一世文伴五奇译